

quin altepe-pépenazque in imahuizticayohuan in altepetl; ihnan tlatzontequiliani, aquique quin tlacemitalhuiz in tlein ica quin tlaxtlahuilizque in iyeyan monequiliz.

VII. Inic qui tlahucliquiz in itlaxtlahuil-polihuilizhuan in Federación ca cecen xiuhtica itech pohui qui ixpantiliz in Iciuhca-chihuani, nozo qui tlaliz in tlacallaquiltin monequizque inic motlaxtlahuaz.

VIII. Inic qui macaz in Iciuhca chihuani in nelhuayotiliztin itech aqniue hueliti qui chihuaz tetlanehuiliztin ipan in itepanixquetzali in Cenictlacayotl: inic qui tlahucliquiz ino-matca inonque tlanehuiliztin ihuan inic qui yollo màciz ihuan tlatequitiz motlaxtlahuaz in itlatehuiquiliz in cenictlacayotl.

IX. Inic quin temacaz tlatecpanal tlacuiloztin ipan tlánamacaliztli nozo in tlapatlaliz in huèca tlaca, ihuan inic qui tzacuilitz ica nelhuayo tenahuatiltin, ca in tlapatlal-namacaliztli itech ce ihuan occé Estado, motlalizque tepitonoaliztin tetolinique

X. Inic qui nelhuayo tlaliz in itlanechicol-tenahuatilhuan tlein itech pohui in tlamacaliztli.

XI. Inic quin tlaliz ihuan quin ihuaniz in ialtepe-tequipanolizahuan in Federación; quin machiotiliz, quin miequiliz nozo quin tzinquixtiliz in iyucatilhuan.

XII. Inic quin tlahucliquiz in tequi-tocayotiliztin qui chihua in Iciuhca chihuani itechpa ln ministros in tlàtoca-titlan-tiltin, tetlachichiuhque tlàtòcayotin, iu huehuey itlatequipanocahuan in yuhcatl, in coroneles ihuan occé quintin iteachicahuan in yaoquizque ihuan moyao chichiuuhque in cenictlacayotl.

XIII. Inic quin tlahucliquiz in tlanelmiztin, nozo in tlahuellaliani tetlachiuchiqui tlatoçayotin qui chihua in Iciuhca chihuani.

XIV. Inic qui tenquixtiz in yaoyotl ica in tlaixtemoliz tlaneltiliztin qui ixpantiliz in Iciuhca chihuani.

XV. Inic qui tecpana-icuiloz quenin motemacazque in yao-tocayotin ic quin popolozque in acaltin ipan in huey atl: inic quin temacaz in tenahuatiltin, iniuhca yehuan monequi ten-quixtilozque cualtin nozo amo cualtin in tlatzitzquiliztin itech in huey atl ihuan ipan tlalli, ihuan inic qui temacaz in tenahuatiltin itech pohui ihuelitiliz in huey atl itech in pacnemiliztli ihuan yaoyotl.

XVI. Inic qui macahuaz, nozo amo, in icallaquilitz in huèca yaoquizque itech in inecatiloyan in Federacion, ihuan qui tlahuclilitz in inetlaliloyan cequintin iacalhuan in yaoquizque occé Tlátòcayotl, achi ce metztli, itech huey atl iaxca in Repùblica.

XVII. Inic qui macahuaz in iquizayan in iyaoquizcahuan cenicayotin achi nepa itlamia in Repùblica.

XVIII. Inic qui ahcoquiz ihuan qui chicahualotiz in yao-

te las autoridades políticas, municipales y judiciales, designándoles rentas para cubrir sus atenciones locales.

VII. Para aprobar el presupuesto de los gastos de la Federación que anualmente debe presentarle el Ejecutivo, é imponer las contribuciones necesarias para cubrirlo.

VIII. Para dar bases bajo las cuales el Ejecutivo pueda celebrar empréstitos sobre el crédito de la nación; para aprobar esos mismos empréstitos, y para reconocer y mandar pagar la deuda nacional.

IX. Para expedir aranceles sobre el comercio extranjero, y para impedir por medio de bases generales, que en el comercio de Estado á Estado, se establezcan restricciones onerosas.

X. Para establecer las bases generales de la legislación mercantil.

XI. Para crear y suprimir empleos públicos de la Federación; señalar, aumentar ó disminuir sus dotaciones.

XII. Para ratificar los nombramientos que haga el Ejecutivo de los ministros, agentes diplomáticos y cónsules, de los empleados superiores de hacienda, de los coroneles y demás oficiales superiores del ejército y armada nacional.

XIII. Para aprobar los tratados, convenios ó convenciones diplomáticas que celebre el Ejecutivo.

XIV. Para declarar la guerra en vista de los datos que le presente el Ejecutivo.

XV. Para reglamentar el modo en que deban expedirse las patentes de corso; para dictar leyes, según las cuales deban declararse buenas ó malas las presas de mar y tierra, y para expedir las relativas al derecho marítimo de paz y guerra.

XVI. Para conceder ó negar la entrada de tropas extranjeras en el territorio de la Federación, y consentir la estación de escuadras de otra potencia, por más de un mes, en las aguas de la Repùblica.

XVII. Para permitir la salida de tropas nacionales fuera de los límites de la Repùblica.

quizque ihuan iyao-apan-chicahualiztli in Necetiliztli, ihuan inic qui tlatecpanal-icuiloz quenin yezque ihuan quenin qui chihuazque in tlatequipanoliztli.

XIX. Inic qui temacaz tlatecpanal-icuiloz inca moyectlaliz, moyaochihuaz ihuan momachtiliz in tlapixqui-ceniuhtlacayotl, quin cahuiliz in tepehuàque ma qui mamanacan in itetocavotilizhuan intech pohui yezque iteachica-yaoquizcahuan, ihuan in Estados quin cahuilizque huelitiliztli inic quin machtizqué, quenami qui tenehua in tlatecpanal-tlaciulolli omòteneuh.

XX. Inic qui temacaz in itlanequiliz inic in Iciuhca chihuani ma hueliti qui tecencahuaz in tlapixqui-ceniuhtlacayotl iquiahuac in Iestados, nozo Iterritorios, tlaquaminatiez in chicahualiz monequini.

XXI. Inic qui temacaz in tenahuatiltin ipan yeliz-chantlliztli, tlalachantiliztli ihuan tepehuatiliztli.

XXII. Inic qui temacaz tenahuatiltin ipan huehuey ôtin inic tecepan nonotzaloz ihuan ipan iciuhca titlantin tlen motocayotia postas ihuan correos.

XXIII. Inic qui nelhuayo tlaliz in caltomin-chihualoyan, quin tlaliz in yuquizaliztli ca min monequi qui piaz, qui tlacemitalhuiz in ipatiyo in huèca tomin, ihuan qui celiz ce necepan tlatacamachihualli ihuan etiliztli.

XXIV. Inic qui tlaliz in tlatecpanaliztli intech monequi moeemmacazque in itequipanoliz ihuan iteaxcatiliz in tlalme tlaixuhcahaultin ihuan ipatiyotilizhuan.

XXV. Inic qui macahuaz in tlailcahual-popolhuiliztli ipampa tlapilchihualiztli intech pohui qui ixmatizque in itlatzontequivilizhuan in Federación.

XXVI. Inic qui macahuaz in teicnelillime nozo tetlacuepcayotiliztli ipal huehuey tetlayecoltiliztli oqui chihuilique in tlatoctatlalli nozo in tlacayotl, ihuan inicuac in tenahuatilli itla tlapopolhuiz tlaxtlahuilli ipan tepitzin cahuitl in teyocoyanime nozo tlayecchiuhque itech itla achi cualli tlachihualli.

XXVII. Inic qui hueytiz oc cempohualli ihuan matlactli tonalli in acho icahui in tlanechichol-nenotzaltil.

XXVIII. Inic qui mamanaz in tec tlatecpanal-tlaciulolihuan qu'anaz in cencahualiztli monequini inic qui chihuaz ma moetilica in tepantlatoanime amo yeni, ihuan quin tlahuellaliz in tlapilchihualhuan in yeni.

XXIX. Inic qui tocayotiz ihuan quin icuaniz tlacaxoxocatica in itlatequipanocahuan in iichtaca-tlacuiloz ihuan aquí que yeni itech in huey tlapouhcayotl, ca momanaz in iuhca qui tenquixtia in tenahuatilli.

XXX. Inic qui temacaz nochintin tenahuatiltin ca monequini ihuan itech pohui inic qui tlatoçachihuaz in huelitiliztli nican omotenèque ihuan nochintin in occequintin omotemacaque itech inin Tenahuatil-tecpanaliztli in ichicahualizhuan in Necetiliztli.

XVIII. Para levantar y sostener el ejército y la armada de la Unión, y para reglamentar su organización y servicio.

XIX. Para dar reglamentos con el objeto de organizar, armar y disciplinar la guardia nacional, reservando á los ciudadanos que la formen, el nombramiento respectivo de Jefes y oficiales, y á los Estados la facultad de instruirla, conforme á la disciplina prescrita por dichos reglamentos.

XX. Para dar su consentimiento á fin de que el Ejecutivo pueda disponer de la guardia nacional fuera de sus respectivos Estados ó Territorios, fijando la fuerza necesaria.

XXI. Para dictar leyes sobre naturalización, colonización y ciudadanía.

XXII. Para dictar leyes sobre vías generales de comunicación y sobre postas y correos.

XXIII. Para establecer casas de moneda, fijar las condiciones que ésta deberá tener, determinar el valor de la extranjera y adoptar un sistema general de pesos y medidas.

XXIV. Para fijar las reglas á que debe sujetarse la ocupación y enajenación de terrenos baldíos y el precio de estos.

XXV. Para conceder amnistías por delitos cuyo conocimiento pertenezca á los Tribunales de la Federación.

XXVI. Para conceder premios ó recompensas por servicios eminentes prestados á la patria ó á la humanidad, y privilegios por tiempo limitado á los inventores ó perfeccionadores de alguna mejora.

XXVII. Para prorrogar por treinta días útiles el primer período de sus sesiones ordinarias.

XXVIII. Para formar su reglamento interior y tomar las providencias necesarias para hacer concurrir á los diputados ausentes, y corregir las faltas ó omisiones de los presentes.

XXIX. Para nombrar y remover libremente á los empleados de su secretaría y á los de la contaduría mayor, que se organizará según lo disponga la ley.

XXX. Para expedir todas las leyes que sean necesarias y propias para hacer efectivas las facultades antecedentes y todas las otras concedidas por esta Constitución á los poderes de la Unión.

IV. TLAXELOLIZTLI.

Itech diputación huecahuani.

Tlan. 73 Inicuac amo nechicotieni in Necetilli Congreso yez ce diputación huecahuani mo chichihuaz ica ce itepantlatocauh cecen Estado ihuan territorio quin tocayotlaliz in Congreso yahuatica itzacualiz in tlacanechicol-nonotzalli.

Tlan. 74 Izcatqui in ihuelitilizhuan in Diputación huècahuani:

I. Qui temacaz in itlanequiliz inic tequitiz in tlapix-ceniuhcayotl, itech in atenemachiti qu'itoa in tlanahuatilli 72 tlacotonli 20.

II. Qui necentlaliz inómatca nozo ica iteitlaniliz in Iciuhca chihuani, in itenotzaliz in Congreso itech in tlacanechicol-nonotzaliztli.

III. Qui tlahuelcaquiz itech in itenamachiti in tetocayotiliztin qui tenehua in tlan. 85 tlacotonli 3.

IV. Qui celiiz in ijuramento in Itepanica in República ihuan in itetlatzontequilicahuan in Huècapan Totcoyan tlamellacachihualiztli, itech in atenemachiti quin tenehua inin Nahuatil-Tecpanaliztli.

V. Qui temacaz in nematiliztli ipan nochintin tlacoyotin ac macahuani in atle tlacemitalhuilli itech in amanechicoltin, inic ica inon, in tenahuatil-chihuani qui tepuztoca, zaniman ma qui pie tlein qui chihuaz.

II. TLATEQUILIZTLI.

Itech in iciuhca huelitiliztli.

Tlan. 75 Motepialtia in itlachihualiz in huècapan huelitiliztli iciuhca chihuani in Necetiliztli, zan itech ce tlacatl ac motocayotiz: "Presidente de los Estados Unidos Mexicanos."

Tlan. 76 In ipepenaliz in Tepanicani, mochihuaz yuhqui: in altepetl qui tocayotlaliz in tepepenque, ihuan ininque qui tocayotlalizque in Tepanicani itech ichtaca tenehualiztli, quenàmi qui mamana in tenahuatil-pepenaliztli.

Tlan. 77 Inic yez Tepanicani, monequi yez mexica tepehua itlacatiliz, itech in itlachihual-huelitilizhuan, qui piaz cempohualli ihuan caxtolli xihuítl ipan cahuitl pepenaliztli, amo yez teopixqui ihuan mochantiz itech in tlàtocatlalli ipan cahuitl chihualoz in tepepenaliztli.

Tlan. 78 In Tepanicani callaquiz inic qui chihuaz in itlamelli ipan ce itonalli in metztlí diciembre, ihuan huècahuaz itech in itequiuh nahui xihuítl.

PARRAFO IV.

De la Diputación Permanente.

Art. 73. Durante los recesos del Congreso de la Unión, habrá una diputación permanente, compuesta de un diputado por cada Estado y Territorio, que nombrará el Congreso la víspera de la clausura de sus sesiones.

Art. 74. Las atribuciones de la diputación permanente son las siguientes:

I. Prestar su consentimiento para el uso de la guardia nacional, en los casos de que habla el artículo 72, fracción 20.

II. Acordar por sí sola, ó á petición del Ejecutivo, la convocatoria del Congreso á sesiones extraordinarias.

III. Aprobar en su caso los nombramientos á que se refiere el artículo 85, fracción 3.^o

IV. Recibir el juramento al Presidente de la República y á los Ministros de la Suprema Corte de Justicia, en los casos prevenidos por esta Constitución.

V. Dictaminar sobre todos los asuntos que queden sin resolución en los expedientes, á fin de que la Legislatura que sigue tenga desde luego de qué ocuparse.

SESION II.

Del Poder Ejecutivo.

Art. 75. Se deposita el ejercicio del Supremo Poder Ejecutivo de la Unión, en un sólo individuo que se denominará: "Presidente de los Estados Unidos Mexicanos."

Art. 76. La elección de Presidente será indirecta en primer grado y en escrutinio secreto, en los términos que disponga la ley electoral.

Art. 77. Para ser Presidente se requiere: ser ciudadano Mexicano por nacimiento, en ejercicio de sus derechos, de treinta y cinco años cumplidos al tiempo de la elección, no pertenecer al estado eclesiástico y residir en el país al tiempo de verificar la elección.

Art. 78. El Presidente entrará á ejercer sus funciones el primero de Diciembre y durará en su encargo cuatro años.

Tlan. 79 Itech in itla cahuitl ipolihuiliz in Itepanica in Repùblica, ihuan itech in huèca tlamiliz polihuiliztli, inoquic moteixpantia in yancuic pepenalli, callaquiz ihuan tequichihuaz in Itepanica in Huécapan Totocoyan Tlamelauhca-chihualli.

Tlan. 80 Intla in ipolihuiliz in Tepanícani yeny tlamiliztica, mochihuaz yancuic tepepenaliztli quenami oquimaman in tlan. 76, ihuan in yancuica pèpenalli qui chihuaz in tequitiliztin ix-quichca in zaiccen itonal in metztli noviembre itech in nahui xihuitl oyec ipèpenaliz.

Tlan. 81 In itlamemel in Tepanícani in Necetiliztli, zan mahuizzotelchihualoni ipampa itla huey netequipacholiztli quixmatiz cualli nozo amo cualli in Congreso, aquin ixpan moteixpantiz in mahuizzotelchihualiztli.

Tlan. 82 Intla ipampa itla neyolehualoni in ipèpenaliz in Tepanícani amo omochihuani ihuan amo motemachitziani ipan, ce itonal in diciembre icuac monequi mochihuaz in tepatlaliztli, nozo in aquin opepenaloc amo yeny iciuhca inic callaquiz itech in itequitilizhuan, tlamiz tel in zoltic, ihuan huècapan iciuhca huelitiliztli motepialtz inoquic inahuac itepanicac in Huecapan Totcoyan Tlamelauhca-chihualliztli.

Tlan. 83 In Tepanícani icuac qui celiz in axcializtli itlamemel, juramento-chihuaz ixpan in Congreso, ihuan icuac amo yeny ixpan in Diputacion huecahuani, ica ininqui tlàoltolin: "Ni juramentochihua nic chihuaz tehuelyollotica ihuan tlàotatlaliztca in itlamemel in Tepanícani Estados Unidos Mexicanos, iniuha in Nahuatil tecpanaliztli, ihuan ni tlachixtiez itech nochí yectli ihuan quicempacayo in Necetiliztli."

Tlan. 84 In Tepanícani amo hueliti m'iheuaniz itech in iye-loayan in huelitiliztin federales, amono qui cahuaz in tlachihual-huelitilizhuan, in atle huey neyolehualoni qui ixmatiz in Congreso, ihuan inicuac amo yeny icuacon in Diputacion huècahuani.

Tlan. 85 Izcataqui in ihuelitilizhuan ihuan inetlalilizhuan in Tepanícani:

I. Qui teixpantitiz ihuan qui chihuaz motlacamatizque in tenahuatiltin quin temaca in Congreso Necetiliztli, tlacencahualiztca itech in itetlamachiliz inic moyectlacamatizque.

II. Quin tocayotiz ihuan quin icuaniz tlacaxoxocayotica in huehueyichtaca tlàtolpixque quin icuaniz in totcoyan tlachiuh que ihuan iteachica-tequitcahuan in Yucatl, ihuan quin tocayotliz ihuan quin icuaniz tlacaxoxocayotica in occéquintin ite-quitcahuan in Necetiliztli, in aquique in tocayotiliz nozo icuaniztli amo yeny tlacemitolli ica occe tlamantli itech in Nahuatil tecpanaliztli nozo itech in tenahuatiltin.

III. Quin tocayotiz in ministros, in totcoyan tlachiuhque ihuan nohuianyo tlaca pani nezqui, ica itlahuelitaliz in Congreso, ihuan inicuac amo yeny icuacon in Diputacion huecahuani.

Art. 79. En las faltas temporales del Presidente de la República, y en la absoluta, mientras se presenta el nuevamente electo, entrará á ejercer el Poder el Presidente de la Suprema Corte de Justicia.

Art. 80. Si la falta del Presidente fuere absoluta, se procederá á nueva elección con arreglo á lo dispuesto en el artículo 76, y el nuevamente electo, ejercerá sus funciones hasta el día último de Noviembre del cuarto año siguiente al de su elección.

Art. 81. El cargo de Presidente de la Unión, sólo es renunciable por causa grave, calificada por el Congreso, ante quien se presentará la renuncia.

Art. 82. Si por cualquier motivo la elección de Presidente no estuviere hecha y publicada para el 1.^o de Diciembre en que debe verificarse el reemplazo, ó el electo no estuviere pronto á entrar en el ejercicio de sus funciones, cesará sin embargo el antiguo, y el Supremo Poder Ejecutivo se depositará interinamente en el Presidente de la Suprema Corte de Justicia.

Art. 83. El Presidente al tomar posesión de su encargo, jurará ante el Congreso, y en su receso ante la diputación permanente, bajo la fórmula siguiente: "Juro desempeñar leal y patrióticamente el encargo de Presidente de los Estados Unidos Mexicanos, conforme á la Constitución, y mirando en todo por el bien y prosperidad de la Unión."

Art. 84. El Presidente no puede separarse del lugar de la residencia de los poderes federales, ni del ejercicio de sus funciones, sin motivo grave calificado por el Congreso, y en sus recessos por la diputación permanente.

Art. 85. Las facultades y obligaciones del Presidente, son las siguientes:

I. Promulgar y ejecutar las leyes que expida el Congreso de la Unión, proveyendo en la esfera administrativa á su exacta observancia.

II. Nombrar y remover libremente á los secretarios del despacho, remover á los agentes diplomáticos y empleados superiores de hacienda, y nombrar y remover libremente á los demás empleados de la Unión, cuyo nombramiento ó remoción no estén determinados de otro modo en la Constitución ó en las leyes.

III. Nombrar los ministros, agentes diplomáticos y cónsules generales, con aprobación del Congreso, y en sus recessos, de la diputación permanente.

IV. Quin tocayotiz ica itlahuelitlaliz in Congreso, in Coronelos ihuan occequintín itlatóca-teachicahuan in yaoquizque ihuan in yao-apan chicahualli ceniuhltacayotl ihuan huehuey iteachica tequitcahuau in Yucatl.

V. Quin tocayotiz in occequintín iteachicahuan in yaoquizque ihuan in yao-apanchicahualli ceniuhltacayotl quenami qui tenquixtia in tenahuatilli.

VI. Qui cencahuaz in chicahuac yaoyotl huécahuani itech in huey atl ihuan itech in tlalli inic tlacacoyeliztl tlaitec ihuan icuentla-palehuiliz in Federacion.

VII. Qui cencahuaz in tetlapixqui, ceniutlacayotl inoma tlamantin ica in tlatoltin qui tenahuatia in tlacoton. 20 ten. 72.

VIII. Qui tenquixtiz in yaoyotl ica in itocatzin in Estados Unidos Mexicanos, achtotipa in itenahuatil in Necetiliztl Congreso.

IX. Qui temacaz ama-tocayotiliztl in apanyaoyotl ica cemmacaliztl nelhuayo tlaliliztin in Congreso.

X. Qui mellácahuicaz in tlacoyotin inahuac in occequintin huéca cenictlaca, ihuan qui chihuaz tlanonotzaliztin inahuac in huéca tlátocayome, quin cemmanacatlaliz itech in itlahuelca-quiliz in Congreso federal.

XI. Quin celiz in huéca ministros, ihuan occequintin titlantin iaxcahuau in huéca tlátocayome.

XII. Qui notzaz in Congreso itech tlacanechicol-nonotzaliztl, icuac yuhquion qui yéyecoz in Diputacion huecahuani.

XIII. Qui iciuhca macaz in Tlatzontequi-huelitiliztl in tlapalehuiliztin ac itech monequini inic amo tlen qui tzacuiliz in inecuitlahuizhuan.

XIV. Quin chicahua-macaz nochintin acaltecoyanti, quin tlaliz calme tech in huey atl nozo atenco ihuan tlaltenco, campa motlaxtlahuaz in tlein namacaloz ihuan qui tenquixtiz canin motlalia.

XV. Qui temacaz, quenami tlamamana in tenahuatiltin in tlapópolhuiliztin in tlapilchihuani omiquiz-tlatzontequilloque ipampa in tlátlacoltin intech pohui qui ixmatizque in tecutlatocaicaptin federales.

Tlan. 86 Inic nececencahualiz in tlacoyotin itech pohui itlatlaliz-tetlamachiali in Federacion, yez in tlapohualli ichtaca tlapolpiani qnin nelhuayotiz in Congreso ica ce tenahuatilli, in aquin qui chihuaz in tlaxexeloliz in tlacoyotln ca cecen ichtaca tlátolpiani qui piazque ifech in itlamemel.

Tlan. 87 Inic yez ichtaca tlapolpiani in nececencahualli monequi yez mexica tepehua itlacatiliz, yez itech in tlachihual-huelitilizhuan ihuan qui piaz cempohualli ihuan macuilli xi-huitl.

Tlan. 88 Nochintin itlatecpanal-tlacuilojhuan, itenahuatilhuan ihuan itlatlalizhuan in Tepanicani, intech monequi quin

IV. Nombrar con aprobación del Congreso, los coroneles y demás oficiales superiores del ejército y armada nacional y los empleados superiores de hacienda.

V. Nombrar los demás oficiales del ejército y armada nacional, con arreglo á las leyes.

VI. Disponer de la fuerza armada permanente de mar y tierra para la seguridad interior y defensa exterior de la Federación.

VII. Disponer de la guardia nacional para los mismos objetos, en los términos que previene la fracción 20 del artículo 72.

VIII. Declarar la guerra en nombre de los Estados Unidos mexicanos, previa ley del Congreso de la Unión.

IX. Conceder patentes de corso con sujeción á las bases fijadas por el Congreso.

X. Dirigir las negociaciones diplomáticas, y celebrar tratados con las potencias extranjeras, sometiéndolos á la ratificación del Congreso federal.

XI. Recibir ministros y otros enviados de las potencias extranjeras.

XII. Convocar al Congreso á sesiones extraordinarias, cuando lo acuerde la Diputación permanente.

XIII. Facilitar al Poder Judicial los auxilios que necesite para el ejercicio expedito de sus funciones.

XIV. Habilitar toda clase de puertos, establecer aduanas marítimas y fronterizas y designar su ubicación.

XV. Conceder, conforme á las leyes, indultos á los reos sentenciados por delitos de la competencia de los tribunales federales.

Art. 86. Para el despacho de los negocios del orden administrativo de la Federación, habrá el número de secretarios que establezca el Congreso por una ley, la que hará la distribución de los negocios que han de estar á cargo de cada secretaría.

Art. 87. Para ser secretario del despacho se requiere: ser ciudadano mexicano por nacimiento, estar en ejercicio de sus derechos y tener veinticinco años cumplidos.

Art. 88. Todos los reglamentos, decretos y órdenes del Presidente, deberán ir firmados por el secretario del despacho encar-

tocaicuiloz in ichtaca tlatalpiani in nececencahualli itech pohui in tlacoyotl. Intla amo yuhquion mochihuani amo tlacamatiolozque.

Tlan. 89 In ichtaca tlatalpiani itech nececencahualli zaniman inicuac motlapoani in tlacanechicol-nonotzaliztin in acho tlaxelollti cahuitl, qui tlapohuilizque in Congreso quenin cate in itlamancahan.

III TLATEQUILIZTLI.

Itech tlatzontequiliz-huelitilztli.

Tlan. 90 Motepialtia in itlachihualiz in itlazontequiliz-huelitiliz in Federacion, itech ce Huécapan Totcoyan Tlamelauhca Chihualiztli ihuan itech in tecutlátoca icpaltin in Distrito ihuan Circuito.

Tlan. 91 In Huécapan Totcoyan Tlamelauhca Chihualiztli, mochìchihuaz ica màtlactlionece Ministros quimixcoyantiani, nahui tepan motlalique, ce itlachixcauh ihuan ce nohuianyo tlamocuitlahuiani.

Tlan. 92 Cecen itlacahuan in Huécapan Totcoyan Tlamelauhca Chihualiztli huècahuaz itech in itlamemel chicuace xihuitl, ihuan ipepenaliz mochihuaz yuhqui: in altepetl quin tocayotiz in tepepenque ihuan ininque quin tocatlalizque, quenami tlama-mana in itlátolhuian in tenahuatil-pepenaliztli.

Tlan. 93 Inic pèpenalo in itlaca in Huecapan Totcoyan Tlamelauhca chihualiztli, monequi yez ixtlamatini itech tlamatca tenahuatilli, inematilizpan in tepepenalitin, qui piaz cempohualli ihuan caxtolli xihuitl ihuan yez mexica tepehua itlacatiliz itech in itlachihual-huelitilizhuan.

Tlan. 94 In itlacahuan in Huécapan Totcoyan Tlamelauhca chihualiztli inicuac callaquizque inic qui chihuazque in itlamemel, juramento chihuazque ixpan in Congreso, ihuan icauc amo yeny ixpan in Diputacion Huecahuani, quenami nican mote-nhua: “Ti juramento chihua inic tic mochihuitzino huel yollotica ihuan tlatoayotica in ilamemel in Tlatòca Huecapan Totcoyan Tlamelauhca Chihualiztli ac omitz momaquilitzino in altepetzintli, quenami qui momamanilia in Tenahuatil Tecpanaliztli, ihuan tic motiliznotiez itech nochi in cualli ihuan in icempacayo in Necetiliztli”

Tlan. 95 In itlamemel in Huécapan Totcoyan Tlamelauhca Chihualiztli zan mahuizzo telchihualoni ipampa huey netequipacholli, quixmatiz ihuan qui tenquixtiz in Congreso, aquin mo-teixpantiliz in mahuizzo telchihualiztli. Inicuac amo yeny inin, qui chihuaz in Diputacion huecahuani.

Tlan. 96 In tlanahuatilli qui nelhuayotlaliz ihuan qui manaz in tecutlátoca icpaltin Circuito ihuan Distrito.

gado del ramo á que el asunto corresponde. Sin este requisito no serán obedecidos.

Art. 89. Los secretarios del despacho, luego que estén abiertas las sesiones del primer período, darán cuenta al Congreso, del estado de sus respectivos ramos.

SECCION III.

Del Poder Judicial.

Art. 90. Se deposita el ejercicio del Poder Judicial de la Federación, en una Corte Suprema de Justicia y en los tribunales de Distrito y de Circuito.

Art. 91. La Suprema Corte de Justicia se compondrá de once ministros propietarios, cuatro supernumerarios, un fiscal y un procurador general.

Art. 92. Cada uno de los individuos de la Suprema Corte de Justicia durará en su encargo seis años, y su elección será indirecta en primer grado, en los términos que disponga la ley electoral.

Art. 93. Para ser electo individuo de la Suprema Corte de Justicia, se necesita: estar instruido en la ciencia del derecho, á juicio de los electores, ser mayor de treinta y cinco años y ciudadano mexicano por nacimiento, en ejercicio de sus derechos.

Art. 94. Los individuos de la Suprema Corte de Justicia, al entrar á ejercer su encargo, prestarán juramento ante el Congreso y en sus recesos ante la Diputación permanente, en la forma siguiente: “¿Juráis desempeñar leal y patrióticamente el cargo de Magistrado de la Suprema Corte de Justicia que os ha conferido el pueblo, conforme á la Constitución, y mirando en todo por el bien y prosperidad de la Unión?”

Art. 95. El cargo de individuo de la Suprema Corte de Justicia sólo es renunciable por causa grave, calificada por el Congreso, ante quien se presentará la renuncia. En los recesos de éste, la calificación se hará por la diputación permanente.

Art. 96. La ley establecerá y organizará los tribunales de Circuito y de Distrito.